

BOSNA I HERCEGOVINA
FEDERACIJA BOSNE I HERCEGOVINE
ZENIČKO-DOBOJSKI KANTON
KANTONALNO TUŽILAŠTVO
ZENIČKO-DOBOJSKOG KANTONA
ZENICA
BROJ: T04 0 KT 0055421 24
Zenica, 11.07.2024. godine

OPĆINSKI SUD U ŽEPČU
-Sudiji za prethodno saslušanje-
Ž E P Č E

Na osnovu člana 45. stav 2. tačka i) i člana 241. stav 1. Zakona o krivičnom postupku Federacije BiH, p o d i ž e m

O P T U Ź N I C U

Protiv:

M. A., . osuđivan presudom Osnovnog suda Brčko Distrikta BiH od 11.09.2020. godine, zbog krivičnog djela Pronevjere iz člana 378. Stav 1. KZ BDBiH na kaznu zatvora u trajanju od 3 mjeseca, uvjetno 2 godine.

Što je:

dana 13.10.2023. godine, u 02,17 sati, na magistralnoj cesti M-17, na području općine Žepče, u mjestu Komšići, upravljajući teretnim vozilom proizvođača „DAF“ reg. oznaka, u čijem sklopu se nalazilo priključno vozilo proizvođača „LAMBERET“ reg. oznaka, krećući se iz smjera Zenice u smjeru Doboja, vozio neoprezno i nedovoljno pažljivo jer je prešao na lijevu saobraćajnu traku namijenjenu za kretanje vozila iz suprotnog smjera kojom se u tom momentu kretalo vozilo marke „VW Passat“, registarskih oznaka kojim je upravljao H.H. iz Bihaća, svjestan da zbog takve radnje u saobraćaju može ugroziti javni promet i dovesti u opasnost živote ljudi i imovinu, ali je olako držao da zabranjena posljedica neće nastupiti ili da će je moći spriječiti, pa je postupajući suprotno odredbama člana 39. stav 1. Zakona o osnovama bezbjednosti saobraćaja na putevima u BiH, vozeći tako na lijevoj saobraćajnoj traci prednjom desnom stranom svog vozila udario u prednji lijevi dio vozila „VW Passat“, ugrozivši time tako sigurnost javnog prometa, usljed čega je H. H. zadobio višestruke povrede i to: povrede glave-mozga, grudnog koša-desnog pluća, trbuha-razdora jetre i masne duplikature tankog crijeva koje je dovelo do krvarenja u desnu grudnu i trbušnu šupljinu, od kojih povreda je na licu mjesta preminuo, dok je njegova saputnica N. H.zadobila teške tjelesne ozljede opasne po život u vidu razdernonagnječne rane u dijelu unutrašnjeg očnog ugla desno, krvarenja ispod kapsule slezene, višestrukog preloma kostiju sinusa gornje vilice desno sa pomakom, obostranog preloma kostiju nosa i nosne pregrade, preloma rebara- VI, XI i XII desno, preloma rebara- III, VI i VII lijevo, nagnječenja tkiva desnog pluća, preloma zida očnog otvora desno, istegnuća mišića vrata, preloma bočnih nastavaka prvog i trećeg slabinskog kralješka, preloma stražnjeg nastavka drugog slabinskog kralješka, ogrebotine kože desne prepone, ogrebotine kože u dijelu spoja grudne i slabinske kičme, djelimičnog prekida kontinuiteta vanjskog dijela bedranog mišića (mišić prednje strane natkoljenice) lijevo, preloma desne jagodične kosti sa pomakom i krvnog podliva kože oko očnog otvora desno,

dakle, kao učesnik u prometu na putevima, nepridržavajući se prometnih propisa ugrozio javni promet i time prouzrokovao smrt jednog lica i teške tjelesne ozljede drugog,

čime je počinio krivično djelo Teška krivična djela protiv sigurnosti javnog prometa iz člana 336. stav 4. u vezi sa članom 332. stav 3. u vezi sa stavom 1. KZ F BiH